



922. fundur stjórnar GSÍ 14.01.2019 kl.17:00 haldinn í fundarsal GSÍ.

Mættir voru: Haukur Örn Birgisson, Hörður Geirsson (með fjarfundarbúnaði), Hansína Þorkelsdóttir, Hulda Bjarnadóttir, Jón B. Stefánsson, Viktor E. Viktorsson, Ólafur Arnarsson, Kristín Guðmundsdóttir, Þorgerður K. Gunnarsdóttir og Brynjar Eldon Geirsson sem ritaði fundinn.

1. Fundargerð síðasta fundar

Fundargerð 921. fundar var samþykkt og undirrituð.

2. Úrsögn stjórnarmanns

Haukur Örn gerði stjórnarmönnum grein fyrir því að Páll Sveinsson hefði ákveðið að segja sig úr stjórn GSÍ. Páll hafði jafnframt sent tilkynningu á alla stjórnarmenn með tölvupósti þar sem hann tilkynnti um ákvörðun sína og ástæður hennar. Þar sem Páll hafði óvænt og með litlum fyrirvara tekið við formannsembætti Golfklúbbs Selfoss, eftir að hafa tekið sæti í stjórn GSÍ, taldi hann rétt að láta af störfum fyrir golfsambandið. Stjórnarfolk lýsti yfir vonbrigðum sínum með að missa góðan mann úr stjórn en skildi ákvörðun hans. Stjórn sambandsins verður því skipuð níu einstaklingum auk forseta fram að Golfþingi 2021.

Framkvæmdastjóra var falið að semja tilkynningu um málið í samráði við Pál.

Laganefnd var falið að huga að þörf á setningu reglna um setu stjórnarmanna, formanna eða starfsmanna golfklúbba í stjórn GSÍ. Við þá vinnu skal horft til reglna annarra sérsambanda og ÍSÍ, skráðra og óskráðra.

3. Samstarfsaðilar GSÍ

Rædd var staða á samningum samstarfsaðila og farið yfir þá fundi sem framundan eru með þeim. Stjórnarfolk var hvatt til þess að láta vita ef það getur aðstoðað með tengingar við fyrirtæki sem hefðu áhuga á samstarfi við GSÍ. Markmiðið er að mynda hóp samstarfsaðila sem styðja við fjölbreytt starf GSÍ og stefnu þess til næstu ára.

Þá upplýsti Haukur Örn stjórnarfolk um að samningar væru að takast við nýjan aðila sem mun taka að sér að sjá golfsambandinu fyrir keppnisfatnaði. Stjórnarfolk verður upplýst um framgang málsins.

4. Leikkort GSÍ

Brynjar Eldon kynnti fyrir stjórn rafræna lausn sem gæti hentað GSÍ vel. Brynjar fór yfir kosti og galla þess sem kerfið hefur fyrir íslenskan markað. Tillagan, sem laut að því



að taka þessa lausn inn í stað hefðbundinna plastkorta, var samþykkt af stjórn. Framkvæmdastjóra og kerfisstjóra var falið að taka málið áfram.

Í nýsamþykktri reglugerð um leikkort GSI var golfsambandinu heimilað að gefa út leikkort til samstarfsaðila sinna, fjölmiðla og samtaka sem eru í samstarfi við GSI. Í 4. mgr. 2. gr. reglugerðarinnar segir að handhafi slíkra korta geta leikið allt að tvisvar sinnum á hverjum golfvelli gegn greiðslu 50% hæsta vallargjalds viðkomandi golfvallar. Það er mat stjórnar sambandsins að útgáfa slíkra korta komi ekki til með að aðstoða sambandið í tekjuöflun sinni. Af þeim sökum mun sambandið ekki standa að útgáfu slíkra korta á þessu ári. Mun sambandið frekar leita annarra leiða til þess að bjóða samstarfsaðilum sínum upp á leikheimildir á golfvöllum landsins, með sérstökum samningum við tiltekna golfklúbba.

5. Starfsmannamál

Brynjar Eldon fór yfir stöðu og þarfagreiningu á starfsmannahaldi GSI. Framkvæmdastjóra var falið að útbúa starfslýsingu fyrir nýjan starfsmann. Ákveðið var að auglýsa stöðu móta- og kynningarstjóra GSI fljótlega og var framkvæmdastjóra falið að annast ráðninguna.

6. Starfsnefndir GSI

Samkvæmt lögum GSI þá skipar stjórn með sér verkum. Haukur Örn fór yfir ábyrgð og hlutverk starfsnefnda GSI og voru eftirfarandi stjórnarmenn skipaðir formenn starfsnefnda.

Nefnd

Afreksnefnd

Fjárhagsnefnd

Laganefnd

Nefnd eldri kylfinga

Markaðs- og kynninganefnd

Mótanefnd

Upplýsingatækninefnd

Formaður

Jón Steindór Árnason

Kristín Guðmundsdóttir

Þorgerður K. Gunnarsdóttir

Jón B. Stefánsson

Hulda Bjarnadóttir

Viktor E. Viktorsson

Hansína Þorkelsdóttir

7. Önnur mál.

Engin önnur mál voru rædd.

Ekki voru fleiri mál tekin fyrir og fundi slitið kl.19:35